

103

MICHX EPIC.

103



Dbl. Ton Vg 1654

verbeh. **Le. 32**

3

10 hr

000

Lib. Theol. <sup>K</sup> M vt. 197.

~~196~~

~~Doublette~~

~~aus dem gestellten~~

In me moriam Anno  
MDCI. Inc. h. d. m.  
Bartol. G. W. d. m.  
amico intimo et  
p. r. h. a. v. d. m.  
Lemino W.



PROGNOSTICON ASTROLOGICVM.

Von dem 1572. bis  
auff das 1588. Jar wehrende / Darin=  
nen gründlichen vnd gewis angezeigt wird / was  
sich in obgemelten Jaren künfftig begeben vnd  
zutragen werde / alles mit hohem fleis zu  
trewer warnung gerechnet vnd  
beschrieben /

Durch

Nicolaum Weyfen  
Mathematicum.





# Zu dem Christ- lichen Leser.

**D**instiger lieber Leser / Es bezeugen die  
alten Lerer vnd Philosophi / wie die Vn-  
dancbarkeit gegen Gott vnd dem Mens-  
chen / ein angebornes vnd warhafftes  
Laster sey: Darumb Seneca spricht in  
seinen Büchern / von der Wolthat (das)  
wer die Leute mit seiner Lere vnterricht /  
der thut nicht allein dem Menschen / son-  
dern: Gott selbs ein gefallen daran / Dann ob wol Gott  
nichts bedarff noch begert / so gefelt im doch die danc-  
barkeit wol / welche zugleich ein jeder leisten vnd thun  
kündte / denn sie weder mühe noch kunst vnd kosten be-  
dürffe. Derhalben die vndancbaren Menschen kein ent-  
schuldigung haben / dann auch dieses dancbar sey vnd  
heisset / das man die wolthat gerne anneme / vnd die jhe-  
nigen so da lernen vnd warnen zukünfftiger straffe fürzu-  
kommen / helffen fürdern.

Darumb du lieber Leser / habe ich diese gegenwer-  
tige Practica / auff etliche Jar mit allem fleis gestellet /  
darin viel zukünfftiger Sachen vnd Wendel / klar ent-  
deckt vnd offenbar werden / die zukünfftige straffe so vns  
begegnen wird / mit ernsthaftigem Gebet gegen Gott  
ablehnen / Wo wir solches thun werden / so wird Gott  
die woluerdiente straff / gnediglich von vns abwenden /  
vnd dem Türckischen Hund vnd andern Unchristlichen  
Völckern / so wider die arme Christenheit toben vnd wü-  
ten / vnd sich mit aller Gewalt vnd Macht / vns zu vber-

ziehen/ versamlet haben/ denselbigen wird Gott der All-  
mechtige / durch seinen Allmechtigen Gewalt stewarten /  
wehren vnd zu nichte machen. Wo wir aber nicht Busse  
thun vnd vnser Leben bessern/ vnd von allen groben La-  
stern vnd Sünden abstecken / so wird Gott seinen Zorn  
vber vns walten vnd gehen lassen / Denn die Ruthe ist  
schon gebunden/ wie denn jederman für augen siet.

Darumb ich alle fromme Christen/ vom hohen bis  
zum nidern Stande / treulich herein warnen wil / vnd  
ist mein freuntliches bitten an ein jeden Leser / der dieses

Büchlein lesen wird / er wölle meine trewe War-  
nung mit danckbarem Gemüte vnd Hertzen

annemen / vnd Gott dem Allmechtigen

für seine Wolthat lob vnd

danck sagen /

Vnd wüdsche allen frommen Christen

ein Glückseliges Neues

Jar / Amen.



*Edelmann*

# Von dem 1572. Jar

was sich dorinne begeben vnd  
zutragen werde.

*1572*

**D**as zukünfftige 1572. Jar / nimpt  
seinen Anfang den 11. tag Martij / frue vor  
Mittage vmb 6. vhr / da die Sonne im ersten  
punct des Wieders gehet / vnd steigt das Zeichen des  
Wieders in puncto mit der Sonnen auff / Desgleichen  
so werden wir eine kleine Finsternis am Mond haben /  
auff den 25. tag Junij / nach Mittage halb wege 10. vhr  
auff vier punct gros bey dem Drachenkopff / im 14.  
grad des Steinbockes / welche durch den genierden  
schein Martis verderbet wird.

Dieses Jar wird in vnsern Landen ein friedlich  
Jar sein / vnd fruchtbar / Als in Düringen / Meissen /  
Hessen / Sachssen / Aber mit Kranckheit werden wir  
dahem gesucht werden / Sonderlich mit Pestilenzi-  
schen Fieber / vnd Vergifftnus jedes bluts / dadurch viel  
Menschen verderben werden. Auch wird sich begeben  
vnd zutragen mechtige grosse Vngewitter / zubeforgen /  
wird den Früchten auff dem Felde nicht fast bequeme  
sein / Niederland / Franckreich / Welschland / Hispanien /  
die werden vnter inen selbst / viel Neuterereyen anrich-

A iij ten /

*Spung  
In Manusfol*

*Primer  
Brza*

ten/ zu irem eigen verderben / Hungern/ vnd alle vmb-  
ligende Grenzen / die werden gar ein feindseligen Gast  
bekommen/ welcher inen nicht lieb wird sein. Item / es  
wird widerumb ein arger Vorkerer der Religion kom-  
men/ vnd werden sich viel Secten vnd Ketzereyen erhe-  
ben/ Gott wende es zum besten/ Amen.

## Von dem 1573. Jar vnd seinen zufellen/ was sich dorinne begeben vnd zutragen werde.

Das 1573. Jar / fehet sich an den 10.  
tag Martij vor Mittage vmb 11. vhr vnd 12.  
Minuten/ da die Sonne in die erste Minuten des Wie-  
ders gehet/ ist der Krebs das auffsteigende Zeichen.

In diesem Jar auff den 8. tag Decembris/ geschicht  
eine grosse Finsternis des Monds / auff 18. punct gros/  
nach Mittage vmb 8. vhr/ vnd ein vierteil stunde/ nahe  
bey dem Drachenkopff im 28. grad des Zwillinges / we-  
ret 3. stunde / 40. Minuten / Die bedeutunge dieser  
Finsternis des Monds/ wird sich allererst im 1574.  
Jare erzeigen.

Die Früchte der Erden werden in diesem Jare gar  
wol geraten/ desgleichen auch der Wein/ darumb mag  
ein jeder in diesem 1573. Jar sich mit Vorrath wol be-  
denken/



dencken / Denn das 1574. Jar wirds wol verzehren.  
Dieses Jar wird nicht Krieg sein / Aber allein grosse  
Vntrew vnd falscheit wird sich vnter den Menschen in  
gemein erzeigen / vnd viel mancherley Kranckheiten/  
werden sich erzeigen vnd regieren.

## Von dem 1574. Jar vnd seinen zufellen / vnd was sich darinne begeben vnd zutragen werde.

Als 1574. Jar nimpt seinen anfang  
den 18. tag Martij nach Mittage vmb 6. vhr /  
0. Minuten / zu welcher zeit die Sonne in den ersten  
puncten des Wieders gehet / da die Jungkfraw das  
auffsteigende Zeichen ist.

Weiter geschicht in diesem Jare ein Finsternis der  
Sonnen auff 8. punct gros / den 13. tag Nouembris/  
nach Mittag vmb 4. vhr / 52. Minuten / Die ganze  
wehrung ist 2. stunde / 36. Minuten / Das mittel vnd  
ende dieser Finsternis / werden wir alhier in diesen Lan-  
den nicht sehen / allein die so gegem Nidergang wonen /  
die werden Anfang / Mittel vnd Ende sehen / Vnd ges-  
felt diese Finsternis in den Drachenschwanz / in dem 2.  
grad des Schützen / Ire bedeutung wird sich gewaltig  
vnd grimmig erzeigen.

Dieses

Mon 1574  
vom 21  
Jra

Dieses 1574. Jar / ist gar ein widerwertiges Jar /  
von wegen der grossen Finsternis des Mons im 1573.  
Jar geschehen / dieweil sie von keinem guten Planeten  
angesehen wird / derhalben ist ihre bedeutung gros / sorg-  
lich vnd sehrlich / darzu ganz erschrecklich / Denn die  
in diesen Landen wonen / als Engeland / Flandern / Ni-  
derland / Wirtenberg / Nürnberg / Bamberg / Erfurt /  
Schlesien / Hispanien / Hungern / Cöllen vñ der ganze  
Reinstrom / Regenspurg vñ Meissen / auch Benedien /  
in diesen Landen vnd Stedten / wird erhöret werden  
jemmerliche Kriege / Aufruhr / Raub / Mordt vnd  
Brandt / dergleichen in viel Jaren nicht geschehen / vnd  
werden viel guter Bürgerlicher Statuten vnd Gesetz  
verändert / Desgleichen auch der geistliche Stant / das  
sie zu jren Wirten vnd Ehren nicht mehr komen wer-  
den. Gros blutuergiessen / vnd gewolliche Feldschlachten  
werden sich erheben / vnd darzu grosser Hunger / Ster-  
ben vnd Pestilentz wird in allen Landen fast gemeine  
sein / vnd also oberall fast an allen enden grosser jamer  
vnd elend erhöret werden / vñ wird endlich nicht aussen  
bleiben / Gott wölle alle ding zum besten wenden / zc.

**Von dem 1575. auch**  
1576. vnd 1577. Jar / sampt jren zufellen /  
was sich darinne zutragen vnd begeben werde.  
Das

**A**ls 1575. Jar nimpt seinen anfang  
den 10. tag Martij nach Mittage vmb 11. vhr  
in der nacht mit dem auffsteigenden zeichen des  
Scorpions / vnd wird in diesem Jare keine Finsternis  
bey vns erscheinen.

**A**ls 1576. Jar nimpt seinen anfang  
den 10. tag Martij vor Mittage / vmb 5. vhr /  
mit dem auffsteigenden Zeichen des Wassermans.  
Dieses Jar geschicht ein Finsternis des Mondes auff  
10. punct gros / den 7. tag Octobris nach Mittage / in  
der Nacht zwischen 11. vnd 12. vhr / nahe bey dem  
Drachenschwanz im 25. grad der Wagen / wehret 3.  
Stunden / 1. viertel.

**A**ls 1577. Jar sehet an den 10. tag  
Martij vor Mittage vmb 10. vhr / vnd eine  
halbe stunde / mit dem auffsteigenden Zeichen des  
Krebs. In diesem Jar werden wir zwey Finsternis an  
dem Mond haben.

Die Erste geschicht auff den 2. tag Aprilis nach  
Mittage vmb 9. vhr / bey dem Drachenschwanz / im  
24. grad der Wagen / auff 18. punct gros / wehret bey  
nahe 4. stunden.

Die Ander Finsternis des Mondes geschicht den  
27. tag des Herbstmons / frue nach mitternacht vmb  
B ein vhr

ein vhr vnd ein viertel stund auff 17. punct / bey dem  
Drachenkopff im 15. grad des Wieders / wehret bey  
nahe 4. Stunden.

Iudicium Astrologicum  
vber diese Drey Jar.

Die Finsternis der Sonnen im 1574. Jar gesche-  
hen / wird den Völkern gegen auffgang Deudches  
Landes nicht schaden / Sondern denen / so gegen Nider-  
gang wonen / Also werden wir in diesen Landen (Gott  
lob) dieses 1575. Jar in guter ruhe vnd friede sitzen / vnd  
alle wol farck spüren / vnd wird ein gut fruchtbar Jar  
folgen / in allen wachsenden früchten / denn die werden  
wol geraten / Gott wölle vns seine gnade zu seinem lobe  
vnd ehre darzu verleihen.

hinc est vnde  
sed cum  
grasso mto  
p. 1574

In dem 1576. Jare / werden die so gegen dem Ni-  
dergang wonen / als Niderland / Flandern / Hispanien  
in grossen engsten vnd nöthen stehen / Denn sich bey  
inen grosser Aufruhr / Krieg vnd Zwiespaltung erhe-  
ben vñ begeben wird / Auch grosser Hunger vnd Eher-  
rung / Sterben vnd Pestilentz gemein sein / Vnd die  
Früchte werden vbel bey inen geraten. Aber in vnsern  
Landen / werden wir wils Gott in guter ruhe vnd frie-  
de stehen / vnd die wachsenden Früchte werden wol ge-  
raten.

Das 1577. Jar wird eine schwere zeit mit viel  
unglücke folgen / Denn die nicht alleine gegen Nider-  
gang

gang / wie obgemelt / betrübet werden sein / sondern  
solch angezogen unglück wird auch zu vns kommen/  
von wegen der grossen Finsternis des Mons in die-  
sem Jar geschehen. Vnd diese Lender werden auch in  
grossen Vnfall vnd Betrübniß gerahen / Nemlich/  
Frankreich / Deudschlandt / Klein Polen / Neapolis/  
Cracaw / Dennemarck / Preussen / Holandt / Oster-  
reich / Elsas / Wien in Osterreich / Salzburg / Aug-  
spurg / Beyern / Ingolstadt / In diesen örten wie gemelt  
werden sich erheben grosse Kriege vnd Auffrühr / mit  
Blutuergiessen / Rauben / Morden vnd Brennen / aus  
ursach der Religion / Auch von alter Feindschaft we-  
gen. Es werden die Früchte der Erden vbel gerahen/  
von wegen vnartigen Wetters / denn das Vngewitter  
wird den Früchten grossen schaden zufügen / dadurch  
grosser Hunger / Thewrung / Pestilenz vnd Sterben  
erfolgen wird.

**Von dem 1578. Jar**  
vnd seinen zufellen / was sich dorinne  
begeben werde.

**D**as 1578. Jar nimpt seinen anfang  
auff dē 10. tag Martij / nach Mittag vmb 4. vhr  
mit dem auffsteigenden zeichen der jungfrawen /  
Auch so werden wir eine kleine Finsternis am Monde  
B ij haben

haben auff den 16. tag Septembris / dieweil sie aber  
gar klein ist / las ich sie kürz halben faren.

Dieses Jar wird von wegen der letzten Finster-  
nis des Mons im 1577. geschehen / nicht weniger ge-  
fahr bringen vnd vnzehlich vnglück anrichten / in denen  
Landschafften / wie im 1577. Jar vermeldet / denn  
derselben Finsternis effect / wird sich in diesem 1578.  
Jar noch hefftiger erzeigen / Darumb jederman ge-  
warnet sey / das er die Gaben Gottes / so in guten  
jaren gewachsen / nicht vnnützlich vnd oberflüssig mis-  
brauche / denn sie in diesen Jaren sehr notdürfftig sein  
werden / denn die Früchte ganz vbel geraten werden /  
von wegen vngeschlachten Wetters. Auch so werden  
viel vnd mancherley Kranckheiten regieren / vnd vnge-  
sunde Lüffte sein.

## Von dem 1579. Jar vnd seinen zufellen / so sich dorinne begeben werden.

Als 1579. Jar nimpt seinen anfang  
den 10. tag Martij nach Mittage vmb 10. vhr  
mit dem auffsteigenden Zeichen des Scorpions.  
In diesem Jar werden wir gar keine Finsternis in den  
Lichtern haben.

Dieses

Dieses 1579. Jar wird widerumb gerüiglich sein/  
vnd in gutem friede stehen / vnd werden alle grossen/  
neidt vnd hass widerumb auffgehoben vnd hingelagt  
werden / Die Früchte der Erden werden wol geraten/  
vnd in gutem kauff sein / Gott verleihe mit gnaden.

## Von dem 1580. Jar vnd seinen zufellen / was sich darinne begeben vnd zutragen werde.

Als 1580. Jar fehet an auff den 10.  
Tag Martij / früe vor Mittage vmb 4 vhr / mit  
dem auffsteigenden Zeichen des Wassermans /  
Desgleichen werden wir eine grosse Finsternis an dem  
Monde haben / bey 13. punct gros / Geschicht auff den  
31. tag Januarij / in der nacht nach Mittage / vmb 11.  
vhr / nahe bey dem Drachenschwanz im 23. gradt des  
Lewen bey dem hellen Stern Cor Leonis genant / weh-  
ret drey stunden / 26. Minuten / der effect dieser Finster-  
nis wird sich gewaltig erzeigen / nemlich / Gros Polen/  
Schweizerlandt / das grösser theil Welschlandt / die  
Kron Bohmen / vnd Sachssen / In diesen Gegenden  
vnd Landen / wird entstehen grosser Zwyttracht vnd  
Auffrühr / von wegen des Weltlichen vnd Königlichen

B ij

Regi.

Regiments / vnd werden viel grosser Herren mit to-  
de abgehen / Zu Rom ist zubeforgen grosse brunst des  
Feyers / Oder werden sonst grossen schaden leiden /  
Desgleichen die Königlich weitberhämpte Stadt  
Prage in Behem gelegen / wird auch durch Feyer  
schaden leiden / Wird also auch in Sachsen vnd Po-  
len allenthalben grosse Brunst gedrewet.

ES werden auch folgen grosse Erdbiedem / vnd  
grosse schadhafftige Wetter / die grossen schaden thun  
werden / an den Gebowden / Heusern vnd Getreide  
auff dem Felde / vnd wird gar ein trucken Jar sein.  
Auch so werden sich scharffe hitzige Kranckheiten er-  
heben / als gros schmerzen vnd reissen im Leibe wird  
gantz gemein sein.

## Von dem 1581. 1582.

1583. Jar / vnd seinen zufellen / was  
sich dorinne begeben vnd zu-  
tragen wird.

Als 1581. Jar hebet sich an den 10.  
tag Martij vor Mittage halbwege 10. vhr / mit  
dem auffsteigenden Zeichen der Zwillinge. In  
diesem Jar werden wir zwo Finsternis an dem Mond  
haben.

Die



Die Erste geschicht auff den 19. tag Januarij / in der Nacht umb 11. vhr 15. punct gros / im 10. grad des Lewen / bey dem Drachenschwanz / wehret 3. stunden / 38. Minuten.

Die Ander geschicht auff den 16. tag des Heymonats / frue zwischen 5. vnd 6. vhr / auff 13. punct gros im 4. grad des Wassermans / Wir werden von diesen Finsternissen nur den anfang sehen / das mittel vnd ende aber nicht / vnd wird also der Mond mit dem Drachenkopff also gar verfinstert vntergehen / wehret 3. Stunden / 24. Minuten.

**A**ls 1582. Jar hebet sich an den 10. tag Martij nach Mittage halbwege 4. vhr / mit dem auff steigenden Zeichen der Jungkfrauen. In diesem Jar werden wir widerumb ein Finsternis an der Sonnen haben den 10. tag Junij vor Mittage umb 5. vhr / auff 3. punct gros / im 9. grad des Krebs bey dem Drachenschwanz / wehret eine stunde vnd 22. Minuten.

**A**ls 1583. Jar hebet sich an den 10. tag Martij nach Mittage zwischen 9. vnd 10. vhr / mit dem auff steigenden Zeichen des Scorpions. In diesem Jar werde wir keine Finsternis haben an den Liechtern. Aber im Meyen wird sich begeben ein  
zusamen

zusammenfügung im Zeichen der Fische / der Sbern vnd  
wichtigen Planeten / welche auch die letzte ist / so in den  
wesserigen Dreyangel geschicht.

Es werden sich in diesen Dreyen Jaren / grosse  
Verenderung der Herrschafften begeben / mit jemmer-  
lichen Kriegen vnd Auffrur vnter grossen Herrn / vnd  
auch vnter dem gemeinen Mann / vnd wird grosse ver-  
folgung sein. Gros jammer vnd elend / wird allenthal-  
ben die ganze Welt durchstreiffen / mit Kriegen / Blut-  
niergeissen / Rauben / Morden vnd Brennen / grosse  
Ehewrung / Hunger vnd Pestilenz / vnd sonst man-  
cherley Kranckheiten werden gehört werden / vnd al-  
lenthalben gemein sein. Die Wasser werden gros wer-  
den / auslauffen vnd grossen schaden thun. Auch  
so werden die Früchte fast verderben vnd  
grossen schaden nemen. Gott der  
Allmechtige wolle es zum  
besten wen-  
den.



Von

**Von dem 1584. bis in**  
das 1588. Jar / In diesen 4. Jaren wer=  
den sich merckliche grosse Verenderung vnd wunder=  
barliche dinge zutragen / wie die alte Prophecei=  
ung lautet / welche der hochberhümte Ma=  
thematicus Johannes Stöffle=  
rus anzeigt / wie  
folget :

Wenn man zelt 1580. vnd acht /  
Das ist das Jar das ich betracht /  
Geht in dem die Welt nicht vnter /  
So geschehen doch grosse merckliche Wunder.

**D**ieses mag ein jeder wol mercken vnd  
zu hertzen nemen / vnd betrachten / das dieser  
Vers nicht vergebens gemacht / Denn die weil  
sich der Himmel / mit seinen Sternen vnd einflüssen da=  
hin neiget / wie denn aus diesen vrsachen / die Jar fol=  
gen werden / in sonderheit vermeldet.

Dieses 1584. Jar / werden wir zwo grosse Fin=  
sternis der Leichter haben / Die Erste geschicht an der  
Sonnen 3. punct gros / den 30. tag Aprilis frü zwischen  
5. vnd 6. vhr / in dem 20. grad des Stiers bey dem  
Drachen

Drachenschwanz / bey dem hellen unbewegliche Stern  
Capite Algol, welches der Perseus in der hand führet /  
vnd wehret eine Stunde / vnd 20. Minuten.

Die Aunder geschicht am Mond / den 8. Tag des  
Wintermons nach Mittage in der Nacht / halbwege  
11. vhr / im 26. grad des Stiers bey dem Drachen-  
schwanz bey nahe 18. punct gros / wehret vierdthalbe  
Stunde.

Zum Dritten / nimpt dieses 1584. Jar seinen an-  
fang den 10. tag Martii / früe vmb 3. vhr / mit dem  
auffsteigenden Zeichen des Steinbocks.

Zum Bierden / geschicht im anfang des Aprilis  
widerumb ein grosse Coniunction, bey nahe 800. Jaren  
nicht gewesen / Als in der zeit des grossen Keyser  
Caroli Magni, ist sie gleicher gestalt auch in Wieder  
erschienen / Dergleichen auch so ist sie kurz vor der  
Menschwerdung vnsers H E X X N vnd Heylandes  
Ihesu Christi 6. Jar vor seiner Geburt gesehen / vn-  
ter dem grossen Keyser Augusto / Vnd tezt in diesem  
gemelten 1584. Jare / geschicht solche Coniunction, wie  
gemelt / zum drittenmal / vnd ist auch die letzte / damit  
die 6000. Jar von anfang der Welt bey nahe erfüllet  
werden / Vnd damit das ende der Welt / wie Christus  
vnsere Erlöser vnd Seligmacher selbst bezeuget / das  
die Tage vmb der Auserwelten willen sollen verkürzt  
werden / vnd Gott mit der Welt in dieser Revolution des  
fessert

ferwigen Dryangels wird beschliessen / Vnd ist die wehrung des ferwigen Dryangels bey nahe 200. Jar / darinnen alle ding werden vollendet werden.

Dem gleicher weise wie sich alle Regiment vnd Policen gros verendert haben / vnter diesem gemelten ferwigen Trigoni. Also wird sich zu vnser zeit viel grössere verenderung der Regiment vnd Policen begeben / dem zu ihenen zeiten / Aus vrsachen / die weil dieses die letzte Reuolution des ferwigen Trigoni ist / darzu werden auch alle Propheceungen der heiligen Schrift hiemit erfüllet / vnd zum ende lauffen.

Item / im 1585. vnd 1586. Jare geschehen keine Finsternis an den Liechtern. Aber im 1587. Jar geschicht wider ein Finsternis des Mondes / auff 9. punct gros auff den 6. tag Decembris nach Mittage in der Nacht halbwege, 11. vhr / im 24. grad der Fische / nahe bey dem Drachenschwanz / wehret 3. stunden.

In dem 1588. Jare / geschehen abermal zwo grosse Finsternis am Mond. Die Erste geschicht auff den dritten tag Martij vor Mittage früe vmb 4. vhr / im 24. grad der Jungfrawen bey dem Drachenkopff / 15. punct gros. Die Ander geschicht den 26. tag Augusti vor Mittage zwischen 5. vnd 6. vhr / im 13. grad der Fische / bey dem Drachenschwanz / bey nahe auff

auff 18. punct. Wir werden nur alleine den anfang  
dieser Finsternis in unsern Landen sehen / Aber das mit-  
tel vnd ende nicht / befehlen wir denen so dem Nider-  
gang neher wonen als wir.

In diesen 4. Jaren werden wir gar erschreckliche  
vnd gefehrliche zeit haben / mit allerley angst vnd noth /  
mit grosser beschwerung vnd klagen des armen volcks /  
dieweil die grosse *Coniunction* aller Planeten in den  
*Aequinoctialibus signis* geschicht. So wird sich dar-  
auff begeben vnd zutragen grosse vnd schnelle ver-  
wandlung der Königreich / Fürstenthumb vnd Len-  
der / mit absterben grosser Herren / auch durch grosse  
Kriege vnd Blutuergiessen.

Item / Durch Rauben vnd Brennen / werden  
viel Land vnd Leut jemmerlich verderbet / vnd viel newe  
Gesetze vnd Ordnungen gemacht / desgleichen die alten  
Freyheiten der Bürgerlichen Statuten sehr verwan-  
delt werden. Auch werden sich grosse Zwenspaltungen  
des Glaubens halben begeben vnd zutragen / Dennes  
schreibet *Messahale* / das auff solche *Coniunctiones* ge-  
meiniglich seltsame Schwermereyen vnd Ketzereyen  
des Glaubens halben zu folgen pflegen / daraus sich  
vielerley vnrathe erheben / vnd zutragen wird.

Es

Es wird auch durch diese Constellation vnd Finster-  
nis so geschehen werden / ein gewolicher Comet ange-  
zeigt / die Finsternis der Sonnen im 20. grad des  
Stiers bey dem Haupt Algol / welchs gar ein erschreck-  
lich Zeichen ist / bezeichnet des Türcken grausame Ty-  
ranney / vnd seine zukunfft / welcher viel Landschafften  
mit grosser Gewalt / durch streiffen vnd verderben /  
mit Rauben / Morden vnd Brennen / dergleichen nie  
erhört ist worden.

Sonderlich haben sich die dieses vbelts hoch zu be-  
fürchten / Als Welschlandt / Sweitzerlandt / Gros  
Polen / Wallachen / Littaw / aber sonder viel mehr  
Welschlandt / die werden von den Türcken hart ge-  
engstiget werden / mit grossen jammer vnd elendt /  
Deudschlandt vnd alle andere anstossende Lender vnd  
Fürstenthumb / die werden vnter jnen selbst viel vn-  
ruhe vnd vngemach haben / mit Kriegen / Blutuer-  
giessung vnd verfolgung bis auff den Todt. Wiewol  
ich alle Lender vnterscheiden solte / dicweil sich aber die  
obberürte Constellation in alle Zeichen hin vnd wider  
wandelt / kan derowegen kein Nation noch Landschaff-  
ten vor künfftigem übel vnd vnglück so da folgen wird /  
befreyen / denn hierin keine ist ausgeschlossen / so dem  
künfftigem vbel nicht würde theilhaftig werden.

G iij

Denn

Denn in einer Summa vnd beschlieslich zu reden/  
so werden alle Landschafften durchaus mit Krieg/  
Blutuergiessen/ Rauben/ Morden/ Brennen/ Thew-  
rung/ Hunger/ Pestilentz / vnd Sterben / an allen ör-  
ten vnd enden/ mit oberflüssigem jammer vnd trübsal  
geengstiget vnd gepeiniget werden / welches ich in der  
warheit vnd vorwar sage / das solches nicht aussen blei-  
ben werde / Denn ich hierinne viel Exempel zu beweh-  
rung dieser Sachen einzuführen hette / habe es aber  
fürze halben vnterlassen. Darumb aber ich von her-  
zen wünschen wolte / das sich die Menschen bedechten/  
vnd solche Warnung / so ich aus trewer Christlicher  
wolmeinung gethan habe / zu Herzen vnd Gemüthe  
füren / wie wir izunder leider / Gott erbarme es / ein  
Leben füren / mit allen Sünden vnd Lastern / vnd wil  
keine besserunge da sein / Derhalben die Straffe aus  
Gottes Zorn vber vns gehen wird.

Wöllen wir aber solcher Straffe / so vns aus Got-  
tes Zorn vnd Verhengnis ergehen sol / entfliehen / So  
ist vonnöten / das wir rechtschaffene Busse thun / vnd  
Gott mit embsigem Gebete in ohren ligen / auff das er  
solche woluerdiente Straffe von vns gnediglich wölle  
abwenden / Wo aber solchs nicht geschehen wird / Son-  
dern in aller vppigkeit vnd rohem Gottlosen wesen also  
forth faren / so wird auch Gott der Allmechtige seinen  
gerech<sup>en</sup>



gerechten Zorn vber vns gehen lassen / vnd den Hirten  
mit seinen Schaffen ganz ernstlichen daheim suchen.

Gott wölle sich seiner armen Christenheit in  
solchem jammer vnd trübsal erbarmen / vnd die gne-  
dig trösten / erlösen vnd erhalten vmb Ihesu  
Christi / seines geliebten Sons vnsers  
H E R R N vnd Heylands  
willen.

A M E N.



Handwritten text in a Gothic script, likely a title or header, appearing as bleed-through from the reverse side of the page.

Handwritten text in a Gothic script, appearing as bleed-through from the reverse side of the page.

Handwritten text in a Gothic script, appearing as bleed-through from the reverse side of the page.








155691


(X 199 3567)



1000

1000





PROGNOSTICON ASTROLOGICVM.

Von dem 1572. bis  
auff das 1588. Jar wehrende / Darin=  
nen gründlichen vnd gewis angezeigt wird / was  
sich in obgemelten Jaren künfftig begeben vnd  
zutragen werde / alles mit hohem fleis zu  
trewer warnung gerechnet vnd  
beschrieben /

Durch

Nicolaum Weyßen  
Mathematicum.

